

Tup ηaiye Jut nainge

Jut nember tup nal lenge Kristen miye tuweinge

¹ Nam Jut, to tikin Jems, topo e ηam miye wah tikin Jisas Krais, ηam mainge tup e e malme lenge Kristen miye tuweinge tikin Got ηaiye si kin gal lenge. Yai Got ηende nihararme yip pe, Krais Jisas ka enge yip tupwaihme ηai e ηai e pupwa.

² Nam misilihme Got nange ka ende mimi me yip no, ηoihmbwaip yip ηaiye teneme kin ka si nembere, topo e ηoihmbwaip ηumwaiye yip ηaiye ηende nihararme mitiη ka si embere.

Noihme lenge miye ηaiye kayende wusyep molohe

³ Lenge Kristen to tatai ηam, ηam ma member tup ende mil me yip mini yip wah ηaiye Got si ηende ηaiye namba e poi lenge miye tuweinge. Kom tukwini ηam mainge tup e e ηaiye ηam da mini yip wusyep ende tu e le e, yende wah nihe ηaiye bepyeteme bilip ηaiye ηendeheiyeh Got si yal yip.

⁴ Lenge mitiη sye si hombo e yate jahilyeh yotop yip yoto sios nom, yip yukur sisyeme nange tinge wachaih tikin Got. Wusyep tikin Got ηanange nange lenge mitiη iki mindemboi tinge ka yamba e nihe syohe. Yip bepyeteme bilip yip bworerme. Lenge mitiη iki tanahme ηoihmbwaip bwore bwore tikin Got yapara e ηoihmbwaip pupwa tinge. Tinge yanange ta e

luku na, “Got yukur ka se ungwisme yitini me hwap pupwa.” Detale, tinge de ka junde yanah pupwa naiye noihmbwaip tahar. Topo e tinge plihe yinise nan Jisas Kraiis naiye kin nilyehe sai, kin Miye ondoh topo e Lahmborenge poi.

⁵ Nam noihmeryembe nange yip si sisyeme nom, nam da plihe mahra e noihmbwaip yip me naimune naiye somohon Got nungwis lenge miye tuweinge Israel naiye tinge yate tas yasme Isip. Kom kin nende yumbune lenge lahmende Israel naiye yukur noihmbwaip tinge tenjeime kin.

⁶ Noiheryembe lenge walip hla naiye yukur yarp jande wutu naiye Got si nana lenge. Tinge yasme luh moi bwore tinge luku pe, tukwini tinge yarp mwahupwai e naiye yepelmbe supule. Pe tinge ka yurp yi tutume nupe naiye ka jin wusyep kot tikin Got pe, ka yamba e nihe syohe yil hel.

⁷ Lenge miye tuweinge Sodom topo e Gomora, topo e moi sye naiye sai sehei me plihe yende nin pinip yar topo e nai e nai e naiye tikin pupwa. Nih naiye nono moi uku topo e nai e nai e lalme naiye sai uku pe, ki sasambe nal lenge lahmende naiye ka yende pupwa pe, mindemboi ka yamba e nihe syohe yoto nih naiye susyu nye nyermbe.

⁸ Tinge yate tange pe, tange luku nahra e noihmbwaip tinge naiye ka yende nin pinip yar. Tinge yanja e teket me bongol tikin Got, topo e tinge jonombai e lenge yipihinge tikin moihla.

⁹ Kom walip hla ondoh Maikel yukur nende ta e luku, pakai. Nupe naiye tinge hindi Satan

tengelye tupwai topo e tuhwar nange lahmende ka enge wahri Moses el la inise pe, walip hla Maikel yukur plihe tungwarmbe wusyep tikin Satan, pakai. Kut kin naname na, “Mindemboi Lahmborenge se ka yihe nin.”

¹⁰ Kom lenge miye hombo e luku yanange wusyep pupwa naiye tinge jinjame. Tinge ta e yuwor telpei naiye noihmbwaip tinge si susukut pe, tinge jande nasande wahri tinge. Nai e nai e naiye pupwa ta e luku mindemboi ka ende yumbune tititinge.

¹¹ Tukwini ka yosoko pupwa supule. Tinge si jande yanah naiye Kein nende. O tinge plaima wuhyau pe, tinge yenge tititinge ya yoto yanah hombo e naiye somohonme Belam nende. Tinge plihe yende molohe ta e Kora naiye nende pe, mindemboi Got ka ongombe tinge nahilyeh tu e naiye kin nonombe Kora.*

¹² Nupe naiye tinge jahilyeh naiye ka yono nai yurp topo lenge sios pe, lenge miye hombo e luku tahar yende noihmbwaip pupwa. Yukur tinge hi me hwap uku naiye tinge yende. Tinge noiheryembe tititinge nilyehme. Tinge ta e mwahit naiye yohe wungul wenge wal no, nsih yukur gah. Tinge si yule nahilyeh ta e lou naiye yukur tejei esep no, jete lou nam orome yember na nanar.

¹³ Pupwa tinge pe, ki nahilyeh ta e njoloh pinip

1.11 Stt 4.3-8, Nam 16.1-35, 22.1-35 * **1.11** Gen 4.3-8 Kein nonombe to kin. Detale, kin noih pupwa naiye Got namba e ofa Abel, kut yukur kin namba e ofa kin. Nam 22.7 Miye sye yana e wuhyau me Belam naiye ka ende yumbune miye tuweinge tikin Got. Nam 16.1-35 Kora nengelyembe wusyep miye ondoh Moses.

ηaiye kotou. Ki kurmbē ta e ηohor , ηaiye loh pinip kotou na ηiche nanah ηoloh sah. Topo e tinge ta e nowas ηaiye yukur jande yanah tinge nanah ηaitem. Ta e luku pe, Got si ηende mi mi me luh moi ende ηaiye tikin yepelmbe sekete sai keteme tinge ηaiye ka yi yurp nye nyermbe.

¹⁴ Kin ta e ηaiye yerkeime Enok kin ηambaih syepumbur hoi† tikin Adam. Kin ηanange ta e le e na, “Mindemboi Lahmborenge ka enge lenge walip hla yirise kin wula wula ot ta iyar e poi iliyeh iliyeh.

¹⁵ Pe ka ende yumbune lahmende ηaiye yukur ηoihmbwaip tinge tejeime kin no, tinge yende ηai e ηai e ta e ηaiye ηasande tinge. Topo e lenge lahmende ηaiye yanange ηilim wusyep pupwa pupwa me kin.”

¹⁶ Lenge miye hombo e, tinge yende yumbune wusyep tikin Got. Tinge miye ηaiye yanange wusyep teket topo e tuhwar. Tinge yende ηai e ηai e jande ηoihmbwaip pupwa tinge. Nye nyermbe tinge ηoihmbwaip manme ηaimune ηaiye natme tinge, topo e tinge tambah yal e yal e yahra e nan tititinge. Pe tinge hombo e yeh lenge mitiη sye ηaiye ka yamba e ηai e ηai e tinge sye .

Wusyep hra embep ηaiye ka ende bongolme bilip yip

¹⁷ Kom yip lenge to tatai ηam, ηoiheryembe wusyep mune ηaiye somohonme lenge aposel tikin Lahmborenge poi Jisas Kraiη ηaiye yana yip.

1.14 Stt 5.18,21-24 † **1.14** Adam ηara e Set, Set ηara e Enos, Enos ηara e Kenan, Kenan ηara e Mahalalel, Mahalalel ηara e Jeret, Jeret ηara e Enok.

¹⁸ Sehei ɲaiye ɲup yuwo ka ot pe, lenge mitiɲ ɲaiye yende ɲai e ɲai e jande ɲasande tititinge pe, ka yende wi, topo e ka yesenetme yaɲah ɲaiye yahra e naɲ tikiɲ Lahmborenge, topo e ka yende bwili e bwula e yaɲa e teket me Got pe, ɲoihmbwaip tinge ka tuhur ɲaiye ka yende ɲai e ɲai e tetehei pupwa.

¹⁹ Lenge mitiɲ ɲaiye ta e luku pe, tinge ka yowor e sios junde ɲoihmbwaip lenge miye kekep. Detale, tinge Yohe Yirise pakai.

²⁰ Kom yip lenge Kristen to tatai ɲam, ɲam masande yip pa yende bongolme ɲoihmbwaip yip pe, jin bongole tongor yil Kraiɲ juh bumbe me yiptip. Nye nyermbe pa yisilihme Yohe Yirise tikiɲ Got ɲaiye ka bepteme yip.

²¹ Topo e pa yurp bongol yi yoto ɲoihmbwaip tikiɲ Got ɲaiye ɲende nihararme yip ɲupe ɲaiye pa yurp yeseperhme Lahmborenge poi Jiɲas Kraiɲ ka yul yip laip bwore ɲaiye ka si nye nyermbe. Detale, kin ɲoihginir me poi ɲembere sekete.

²² Yip pa ɲoihginirme lenge Kristen sye ɲaiye ɲoihmbwaip tinge yukur teɲeime Kraiɲ bongol.

²³ Pa yahra e ɲoihmbwaip lenge miye tuweinge ɲaiye yasme yaɲah tikiɲ Got mi e pe, ka plihe yut me Got. Ki ta e ɲaiye yip hwihwai yukul lou ɲaiye tikiɲ nih. Kut lenge mitiɲ sye ɲaiye jande ɲoihmbwaip yerkeime ta e ɲaiye tinge jah temhronɲ bai pupwa tinge mi e pe, yip pa ɲoihginirme tinge, kut yukur pa junde yaɲah tinge, napakai.

Wusyep yuwo topo e wusyep hriphrip

²⁴ Tukwini ya mirisukwarme Got, Miye nungwisme poi. Kin se ka ende yip pa jin bongole yi

yoto Kristen bilip yip. Kin se ka ende yip pa yurp bwore bwarme supule pe, se pa yila yotop kin hriphrip yurp luh moi ηaiye kin narp.

²⁵ Nan tikin Jisas Krai, Lahmborenge poi, ya lalme mirisukwarme Yai Got, kin yirise, nan kin ηembere, kin bongol, topo e kin miye ondoh. Kin ilyehe sai bepteme ηai e ηai e lalme ηaiye sai yerkeime, tukwini dindi le e, topo e mindemboi ka si tu e luku enge el nye nyermbe. Bwore Mise.

Wusyep Bwore tikin Got
The New Testament in the Urat language of Papua New
Guinea

Nupela Testamen long tok ples Urat long Niugini

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26